

興義府志卷七十一目錄

列傳 孝女傳

洗阿慧

王長羸

李氏 楊氏 附

吳氏

周二妹

張如玉

張瑜貞

興義府志

卷七十一

目錄

貴陽文通書局代印



興義府志卷七十一

興義府知府張鎮纂修

列傳

孝女傳

孝子已立孝友傳。孝女別立孝女傳。所以別男女也。孝子之割股者。不立傳。僅列表。而孝女之割股者。為立傳。以女子多不知書。孝發天性。不可苛以愚孝繩也。傳孝女。

洗阿慧

洗阿慧。興義府人。父德昌。監生。道光十四年。母黃氏病篤。阿慧割股。和藥以進。母病愈。阿慧創發卒。人皆憐之。以下撰補。

周二妹

興義府志

卷七十一

孝女傳

一

貴陽文通書局代印

周二妹。興義府人。父起鵬。無子。惟生二妹一人。二妹誓不嫁。以女紅供父母甘旨。孝事終身。

王長羸 李氏附

王長羸。興義府人。生員王亨桂之孫女。幼喪父母。依祖父以居。性篤孝。祖父母畏寒。長羸為溫席。年十六。祖母病危。割股和藥以進。乃瘳。郡之孝女。割股者。尚有李氏。生員李鍾羸之女。生員景其杰之妻也。鍾羸病危。李氏割股療之。旋瘳。又有楊氏者。幼篤孝。父廷楷病危。割股療之。立愈。

張如玉

張如玉。貞豐州人。張紹富之女。紹富遠遊不歸。如玉依母與兄居家。極貧。事母極孝。兄不善謀生。惟恃如玉鍼帶以孝養。如玉年既長矣。



慮適人。則母兄必受飢。乃誓不嫁。奉母終身。母兄憐其志。亦不强也。守不字之貞。以竭誠孝事。今已年近七旬矣。

吳氏

吳氏。貞豐州人。吳大勳之女。朱學謨之妻。性肫孝。母患足疾。吳氏迎養于學謨家。孝事周至。滌穢污。奉湯藥。數十年。罔怠。州人翕然稱孝。

張瑜貞

張瑜貞。貞豐州人。張玉林之女。性誠孝。嘉慶二年。苗變。玉林逃難。離散。不知所之。瑜貞之兄曰鳳。子身遠出尋親。瑜貞奉母以居。竭誠盡孝。或訛傳鳳客死。母慟子失明。瑜貞痛母瞽。衰年熒苦。誓終身不字。奉母以終。後嘉慶二十三年。兄歸。瑜貞復偕兄孝事母。撫姪成立。咸豐二年。知州蔣時淳。詳請。

興義府志

卷七十一

孝女傳

二

貴陽文通書局代印

旌表。時瑜貞年已七十矣。

按女之孝事父母者。列之孝女傳。其孝事舅姑者。別列賢婦表。孝女立傳。兼及生存。與孝友傳同例。